

Te Whakamahi i te Arowhai me te Tūhono (Check & Connect)

Te whakarite kia noho tūhono ngā ākonga i te kura, ki ngā mahi ako hoki

Mō ngā Kaimahi Tiaki Taiohi kei ngā Kura Tuarua (YWiSS)

I ētahi wā he uaua ki te tamariki te tīmata i te kura tuarua. Kei te tokomaha ngā rongo o te ngākau pēnei i te makatea, te pāpōuri, te mokemoke, ngā raru whanaungatanga, me ētahi atu āhuatanga tērā e whakarite kia uaua ngā mahi kura.

Ko tā ngā kaiako pono YWiSS he āwhina i te hunga rangatahi e tūpono ai tō rātou kore aro ki ngā mahi ako, ki te whakapai ake i ā rātou paetae i te kura me ō rātou oranga.

Kei te mahi ngā kaiako pono i te taha o ngā rangatahi mā te whakamahi i te hōtaka **Arowhai me te Tūhono**, i te taha hoki o ngā rōpū tiaki ākonga hei waihanga i ngā whanaungatanga papai i waenga i te kura, te kāinga o ngā tamariki, me te hapori.

Mō te Arowhai me te Tūhono

He hōtaka wawaotanga wawe te Arowhai me te Tūhono he mea hoahoa kia whai wāhi anō te ākonga ki tōna kura.

Ka mahi tahi tētahi kaiako pono kua whakangungua me te ākonga mō te rua tau ki te āwhina kia piki ake tōna māia ki te ako, kia whanake ōna wawata mō āmuri.

Mā te kaiako pono e:

- › **Arowhai** ia wiki ō te ākonga taetae ki te kura, whanonga, kauneketanga pūmatauranga hoki
- › **Tūhono** ki te ākonga, ki te whakatakoto whāinga, whakatika raruraru, me te whakatītina i tōna kaha whai wāhi ki te ao o te kura
- › hanga whakawhanaunga ki te ākonga me tōna whānau, ki ngā kaiako i tōna kura, ki te hāpai i te angitu mātauranga o te ākonga
- › mahi tahi me te kura ki te tūhono i te ākonga ki ētahi atu momo tautoko, ratonga hoki ina tika.

Ngā Kōharinga

E wātea ana te ratonga ki ngā ākonga mai i te tau 9 ki te tau 10 e tīmata ana ki te kore aro, e tūpono ai rānei te kore aro ki te kura/ngā mahi ako rānei.

Anei ētahi tohu o taua āhuatanga:

- › te nui ake o ngā wā kore tae ki te kura, kāore he whakamārama
- › te nui ake o ngā wā i tōmuri ai
- › te nui ake o ngā whanonga tauwhati
- › te iti iho o te whai wāhi ki ngā mahi akomanga
- › te iti iho o te whakaoti mahi kāinga.

Mā te kura anake e kōhari ākonga, ā, me whiwhi ki te whakaaetanga o te ākonga me tōna whānau.